

CONTOS E LENDAS- COLEXIO GUILLELME BROWN (O PEREIRO DE AGUIAR)

DATOS XERAIS: O campamento terá lugar nas instalacións do colexio Guillelme Brown, situado no concello de Pereiro de Aguiar, a 3 quilómetros de Ourense, cunha superficie de 21.000 metros cadrados. Conta con espazos abertos con: bosque autóctono, espazos axardinados, charcas, hora, parque infantil, piscina, pavillón polideportivo cuberto, pista polideportiva exterior, rocódromo, soportal con zona de xogos. Espazos pechados: cociña con servizo propio, comedor, dormitorios habilitados con capacidade para 50 prazas con camas individuais, baños, vestiarios, duchas, biblioteca, aula de psicomotricidade, sala de usos múltiples e salas de realización de obradoiros.

As instalacións están adaptadas para persoas con mobilidade reducida. Ascensor, rampas e baños adaptados na planta baixa

ACCESOS: Dende Ourense pola estrada OU-536 ata Pereiro de Aguiar, e logo seguir indicacións ata Colexio Guillelme Brown.

<https://maps.app.goo.gl/YqcgrPb6pi3aBUNz5>

ENDEREZO: Lugar de Castadón, 137 Castadón - 32710, Pereiro de Aguiar (Ourense)

QUENDA	ANOS NACEMENTO	DESCRIPCIÓN DAS ACTIVIDADES
01-05 agosto	14-15-16-17	CONTOS E LENDAS • ACTIVIDADES XERAIS: campamento de aventura baseado nos contos e lendas galegas. A temática inspirará as actividades diarias, así como dinámicas de teatro, obradoiros, expresión corporal, así como actividades deportivas, natureza, excursión, piscina e veladas nocturnas. Tamén se farán visitas a lugares de interese (Ourense, zona termal, parque acuático de Monterrei) • OBXECTIVOS: fomentar unha boa convivencia e coñecemento mutuo dos participantes, as relacións sociais e a amizade, desenvolvemento persoal e a súa autonomía, fomentar a creatividade, fomentar o aproveitamento dos recursos naturais, traballo en equipo, cultivar hábitos ecolóxicos e coñecer os costumes e cultural da zona aproveitando os contos e lendas para coñecer da nosa cultura.
8-12 de agosto	14-15-16-17	
15-19 de agosto	14-15-16-17	
22-26 de agosto	14-15-16-17	

NORMAS XERAIS:

1. As persoas participantes estarán atendidas permanentemente por persoal titulado e especializado na organización e no desenvolvemento das actividades de tempo libre.

2. Ningunha persoa participante poderá abandonar o centro sen autorización expresa do/a director/a da actividade, e sempre acompañado por un adulto autorizado (algunha das persoas proxenitoras, titoras ou acolledoras que figuren na solicitude). No caso de que ningunha destas persoas poida acudir, a persoa que efectúe a recollida deberá presentar o impreso de autorización que se facilitará o día da recepción, xunto cunha fotocopia do DNI de quen autoriza (persoa que asinou a solicitude de inscrición) e da persoa autorizada.

3. Prégase non facer visitas de non ser necesario, coa fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.

4. Horario de chamadas: na información de recepción o equipo directivo comunicará ás familias os días en que se poderá contactar cos/coas menores (cun mínimo de 3 días durante a quenda) e o horario para as chamadas. Nese horario, os/as rapaces/zas disporán dos seus móbiles se os traen ou ben as familias poderán chamar ao menor nos teléfonos indicados na reunión de recepción. Tamén se permitirá as chamadas fora do horario sinalado por causa xustificada.

5. As persoas participantes deberán levar as **tarxetas sanitarias orixinais** (ou seguro médico, MUFACE ou similar, e o talonario de receitas).

O día da incorporación deberase comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese.

6. Recoméndase que non leven obxectos de valor, nin grandes sumas de diñeiro.

Prevese a organización dun banco de cartos e móbiles onde os participantes poderán depositar os seus cartos e tamén os teléfonos (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

7. Recoméndase levar a roupa marcada coas iniciais.

8. Nesta web, no apartado "Documentación para presentar (fase de adxudicación)" están dispoñibles os modelos de documentos: declaración sobre a autorización de imaxes (anexo IV), modelo de autorización para recollida do/a menor e outra información de interese. En canto ao cuestionario de saúde e autonomía persoal e declaración de saber nadar (anexo III), este formulario soamente pode ser cuberto en liña (sede electrónica, carpeta cidadá) accedendo ao seu expediente e elixindo a acción "Documentación complementaria para a adxudicación".

9. Non está permitido levar comida ao campamento, salvo en casos de necesidade, por motivos de saúde debidamente xustificadas e comunicados previamente.

INCORPORACIÓN E RECOLLIDA DAS PERSOAS PARTICIPANTES

- A **incorporación** realizarase o **día do inicio da quenda correspondente**, entre as **10.00 e as 13.00 horas** no Colexio Guillelme Brown, Lgar. A Merteira s/n, Castadón - 32710, Pereiro de Aguiar (Ourense)

Para comunicar calquera incidencia en relación coa incorporación pode contactar co teléfono 639 97 22 90 - 699 13 64 03 durante os tres días anteriores á incorporación ao campamento.

- O día de **remate da quenda, a recollida das persoas participantes** deberá facerse entre as **10.00 e as 13.00 horas** na mesma instalación.

MATERIAL NECESARIO

- Mochila, bolsa ou maleta
- Mochila pequena para saídas
- Saco de durmir
- Chuvasqueiro
- Suadoiros, forro polar ou xerseis
- pantalóns curtos e longos
- Camisetas de manga curta e longa
- mudas e calcetíns para toda a estancia
- pixama
- calzado deportivo e cómodo
- sandalias para a ducha
- traxes de baño
- utensilios de aseo
- toalla de baño, aseo e piscina
- protección solar e hidratante para despois do sol
- gorra para o sol
- cantimplora e lanterna
- caderno e bolígrafo
- bolsa para a roupa sucia

O horario básico da quenda será o seguinte:

<i>HORARIO BASE</i>	
08.30h	erguerse
09.00h	Almorzo, aseo e arranxo das habitacións
09.30h	Activa-t
10.30h	Actividades da mañá
14.00h	Xantar
15.15h	Tempo libre/xogos
16.00h	Actividades de tarde/piscina/merenda/duchas
21:00h	Cea
21.30h	Tempo libro xestionado
22.15h	Velada
23.45h	Deitarse
	**Este horario poderá sufrir modificacións por razón de actividades puntuais como excursións